



Nivi Olsen
Inatsisartunut ilaasortaq, Demokratiit

§ 37-mut apeqqummut 2022/217-imut akissut - CAK-mi missingersuutininik qaangiisimanerit pillugit

08-12-2022
Sagsnr. 2022 - 24293
Akt nr. 21859360

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Nivi Olsen,

Qujanaq Campus Kujallerup siulersuisunit saaffiginnissutit pillugit Campus Kujallerup missingersuutininik qaangiisimanera pillugu apeqqtinnut, Inatsisartut suleriaasiat malillugu apeqqtigineqarsimasunut. Apeqqtit ataani ataasiakkaarlugit allanneqarput, akissutillu malitsigiinnarlugit allanneqarlutik.

Apeqqut 1: Campus Kujallermi missingersuutininik qaangiisimanerit pillugit Naalakkersuisut Campus Kujallermi siulersuisunit 2017-imiilli saaffiginnissutininik qassinik tigusaqarsimappat?

- a. Saaffiginnissutinit taakkunannga qassit Naalakkersuisut akissuteqarfigisimavaat?
 - i. Naalakkersuisut piumaffigineqarput tigunerannut ullui aammalu akissuteqarnermi ullui ilisimatitsissutigeqqullugit.

Akissut: 2017-imiilli Campus Kujallermi siulersuisunit marloriarlutik Naalakkersuisut saaffigineqarsimanerminnik nalunaarsugaqarsimapput Campus Kujallermi missingersuutininik qaangiisimanerit pillugit.

- a. Campus Kujallermi missingersuutininik qaangiisimanerit pillugit siulersuisut saaffiginnissuteqarsimanerannut apeqqtit 1-imiittut Naalakkersuisut akisimavaat.
 - i. 7. Septemberi 2021 maili tigusaq ataatsimeeqatiginnikkumanermik piumasaqaat. Saaffiginnissut akineqarpoq 8. September 2021 ataatsimeeqatigiinnerlu pivoq 13. september 2021.

6. november 2022 ataatsimeeqatigiinnissamik kissaat tiguneqarpoq ullulerneqarlunilu 7. november 2022.

Apeqquut 2: Campus Kujallermi missigersuutiniq qaangiisimanernut nalunaarutit kingunerisimavaat, Naalackersuisut Aningaasaqarnermut- Akileraartarnermullu ataatsimiititaliamut saaffiginnissimanerat uku pillugit:

- a. *Ilisimatitsissut?*
- b. *Ilassutitut akuereqqulluni piumasaqaat?*
- c. *Nuutsiterinissamik piumasaqaat?*
 - i. **Naalackersuisut piumaffigineqarput Aningaasaqarnermut- Akileraartarnermullu ataatsimiititaliamut saaffiginninnerit ullui nassiuteqqullugit?**

Akissut: Aningaasaqarnermut- Akileraartarnermullu ataatsimiititaliamut Naalackersuisut pingasoriartutik saaffiginnissuteqarsimapput Campus Kujallermi missingersuutiniq qaangiisimanerit pillugit saaffiginnissutitut tunngatillugu, imatullu saaffiginnissutitut isikkoqarput:

- a. Ilisimatitsissutitut pingasut
- b. Ilassutitut akuereqqulluni piumasaqaatitut pingasut
- c. Missingersuutitut kalluaanngitsumik nuutsitsinerit pingasut
 - i. Ulloq 16/11 2022, ulloq 4/6 2019 aamma ulloq 7/12 2016

Apeqquut 3: Naalackersuisut isumaqatigaat una, missigersuutitut inatsimmi § 8: "Aningaasaliissuteqaqqaartoqartinnagu aningaasartuuteqaartoqassanngilaq aamma isertitaqartoqassanngilaq" aammalu missigersuutitut inatsimmi § 11, imm.2.: "Naalackersuisup oqartussaaffimmi aningaasaliissutaanut akisussaasuvoq" Naalackersuisunit malinneqartuaannassasoq?

Akissut: Inatsisit tamarmik soorunami malinneqartussaapput. Qulaani eqqaaneqartut inatsisit malinneqartussaapputtaaq.

Ilanngullugu eqqaaneqassaaq § 35, imm. 1. oqaaseqaammi siullermi Inatsisartut Inatsisaanni nr. 10, 19. maj 2010-meersumi aalajangersarneqarpoq Inuussutissarsiutiniq ilinniartitsinerit aamma inuussutissarsiutiniq ilinniartitsinerup iluani pikkorissaanerit pillugit kingorna allanngortinneqartoq (inuussutissarsiutigalugu ilinniarnermut inatsit), tunngaviusumik ilinniartimmi qullersatut akisussaasut tassaasut siulersuisut aamma atuarfiup ulluinnarni aqunneqarneranut akisussaasuusut, uani aamma atuarfiup atuagarsornikkut aningaasatigullu ingerlanneqarnerat aammalu atuarfiup aningaasaqarnikkut aqunneqarnerat ilanngullugu, taamaalillutik atuarfiup anguniagaannut sapinngisamik iluaqutaasussamik. Ilaatigut aamma inuussutissarsiutigalugu ilinniarnermut inatsimmi § 37, imm.1 oqaaseqaat siullermi ersippoq siulersuisut Naalackersuisunut akisussaasuusut tunngaviusumik ilinniartuup akisussaassuilimmik ingerlanneqarnissaa pillugu, uani aamma aningaasatigut pigisallu aqunneqarnerat ilanngullugit.

Inussiarnersumik inuulluaqqusillunga



Peter Olsen